

SHOQËRIA CIVILE NË LIPJAN PUBLIKON RAPORT HULUMTUES PËR DREJTORINË E PROKURIMIT

# YAHР: Prokurimi pa pasqyrë për harxhimin e parasë publike



Arian Duriqi

LIPJAN, 28 MAJ – Asociacioni Rinor për të Drejtat e Njeriut (YAHР) në Lipjan ka publikuar të martën reportin monitorues për prokurimin publik në Komunën e Lipjanit, ndërsa ka shkruar se Drejtoria e Prokurimit nuk ka pasqyrë mujore, apo tremujore rreth rrjedhës së harxhimeve të parasë publike.

“Drejtoria e Prokurimit duhet të botojë pasqyra mujore apo tremujore për rrjedhën e harxhimeve të parasë publike nëpërmjet tenderëve të realizuar. Gjithashtu DP-ja duhet të kenë një faqe të veçantë të internetit, në të cilën do të publikoheshin informata relevante për prokurimin, kompanitë që garojnë, vendimet dhe procesverbalet e komisionit vlerësues dhe të pranimit të ofertave, raportet për ecurinë e secilit tender”, thuhet në reportin që është publikuar nga YAHР-ja, të martën, e që është nënshkruar nga drejtori ekzekutiv, Bekim Krasniqi. Më tej thuhet se nga ky raport hulumtues për prokurimin, domosdo dalin rekomandime, të cilat duhet të jetësohen për të siguruar prokurim të paanshëm, transparent dhe llogaridhëns. Ndërsa, aty janë dhënë, siç është thënë, edhe disa rekomandimet konkrete.

“Duhet të merrat transparencën nga

çdo tender duhet të ftohen shoqëria civile e mediat, jo vetëm në hapjen e tyre dhe nuk duhet të plasohen vetëm informatat mbi procedurën, por duhet dhënë edhe informata të tjera që pasqyrojnë edhe aspekte të konkurrimit, të dinamikës së kryerjes së punimeve dhe të kryerjes së pagesave”, thuhet mes tjerash në report, ndërkoq që ka edhe një mori rekomandimesh të tjera.

“Ndryshimi i kërkesave për tender nuk duhet të jetë shabllon, kurse Plani vjetor i prokurimit duhet të publikohet në ueb-faqet zyrtare të komunës. Po ashtu, të hapet paraprakisht një link në ueb-faqen e Komunës ku do të publikohen emrat, shumat dhe kushtet e subjekteve që kanë ofertuar, ku do të kenë mundësi të gjithë qytetarët të shohin si do të plotësohej parimi i parë i prokurimit publik. Kurse, pranimi teknik i punëve të bëhet jo vetëm nga stafi i Komunës, por të ftohet edhe një përfaqësues nga shoqëria civile dhe një ekspert i atij punimi që është kryer, ku votimi të jetë i baraspeshuar”, është thënë në report. Mirëpo, rapporti ka pasur edhe anët pozitive. Nga përshkrimi i problemeve dhe funksionimit të autoriteteve kontraktuese YAHР-ja ka gjetur se ka pasur progres në menaxhimin e Drejtorisë së Prokurimit në Lipjan. “Ka pasur progres në aspekt të organizuar në

Drejtori ekzekutiv, Bekim Krasniqi, ka thënë se nga ky raport hulumtues për prokurimin domosdo dalin rekomandime, të cilat duhet të jetësohen për të siguruar prokurim të paanshëm, transparent dhe llogaridhëns

ofertuesve për një tender tregon rritjen e efikasitetit dhe besueshmërisë të operatorëve ekonomik ndaj këtij sektori në krahasim me vitet e kaluar, thuhet në raport. Gjatë pesë muajit të parë të vitit 2013 ndërkaq, thuhet se janë nënshkruar 15 kontrata publike në vlerë mb 574,224.94 euro. Ndërsa nga planifikimi i vitit 2013 kanë mbetur përi të u realizuar në këtë vit edhe 20 projekte. Në organin shqyrtues përi ankesa OSHP për periudhën pesë muajore janar-maj 2013 nuk ka pasur asnjë ankesë, derisa gjatë muajit janar, shkurt, mars, prill dhe maj të vitit 2013 janë shpallur 39 tenderë dhe janë ritenderuar 9 sish. Ndërkoq që, vetë drejtori Prokurimit në Lipjan, Ragip Zejnulahu, ka thënë të martën se raporti në fjalë ende nuk ka shkuar në adresën e tij, derisa ka shtuar se do të analizohet dhe do të ketë përgjigje për rekomandimet dhë vërejtjet që janë dhënë. Mirëpo, Zejnulahu ka deklaruar se shqetësimi rreth mungesës së një pasqyre mujore për rrjedhën e harxhimit të parasë publike nëpërmjet tenderëve të realizuar, kjo nuk është në kompetencë të dikasterit që drejton “Percjellja e shpenzimeve nëpërmjet një pasqyre për harxhimet e parasë publike bëhet nga Drejtoria e Financave dhe jo nga ne”, këthënë shkruat ai.